

雞足山志卷之一

考證

野史氏曰飲光爲釋迦大弟子傳衣入定實在  
鷄山宗燈不息蓋始於此山以尊者名故考  
訂宜詳也因首及之

傳泐正宗傳

宋沙門契嵩著

摩訶迦葉尊者摩伽陀國人也姓波羅門其父號  
飲澤母號香志始生質美茂其體金色而炤甚遠  
相者曰是子夙德清勝法當出家父母憂之乃相

鷄足山志

卷之一

考證

一

與謀曰必美婦可縻其心稍長苦爲擇娶而尊者  
不得已乃給之曰非得女金色如我不可爲偶父  
母乃以婆羅門計鑄金人輦行其國曰觀者求之  
果得金色女如迦葉者遂以室之先是毘婆尸佛  
滅度後衆以其舍利建塔塔之像其面金色缺壞  
是時迦葉方爲煨金師會有貧女持一金錢求治  
爲薄欲往補之迦葉聞且樂爲補已曰相與願世  
世爲無姻夫婦以是報九十一劫體皆金色後生  
梵天天之壽盡乃出此婆羅門富家及是夫婦而

其體復狀故初名迦葉波此曰飲炆蓋取其色之義也狀皆清淨雖偶未嘗有男女意終亦懇求出家其父母從之卽爲沙門入山以杜多行自修令空中有告者曰佛已出世請往師之尊者卽趨于竹林精舍勤敬如來乃分座命之坐而大衆皆驚謂其何以與此如來知之乃說其夙緣以斷群疑

有佛說大迦葉本經在藏

尋爲之說法而尊者卽座成道狀其

積修勝德而智慧高遠故如來嘗曰我今所有大慈大悲四禪三昧無量功德以自莊嚴而迦葉比

鷄足山志

卷之一

考證

二

丘亦復如是一朝乃以正法付之囑其相傳無令斷絕復授金縷袈裟命之轉付彌勒及如來般大涅槃而尊者方在耆闍崛山是時地震光明照耀卽以天眼知之乃謂衆曰佛涅槃矣嗟乎正法眼滅世間虛空與其徒衆卽趨于拘尸那城旣至乎雙樹之間而如來已化內于金棺尊者大慟遂感如來足出於棺以慰其哀慕尋致栴檀白氈以資其闍維旣而尊者謂金剛舍利宜與人天爲其福利吾等北丘當務結集以惠來世爲其大明卽以

神遍自昇須彌之頂而說偈曰

如來弟子

且莫涅槃

得神通者

當赴結集

遂擊金鐘其偈因鐘聲而普聞故五百應真皆會

於畢鉢羅岩惟阿難以漏未盡不得卽預

有大迦葉集

經在藏中指阿難九罪

宿戶外終夕思之及曉乃得正證遂

以之叩戶相告尊者曰若狀汝可以神通自戶鑰  
中入阿難如其言而至是時僉議三藏者宜何爲  
先尊者曰宜先修多羅因謂諸聖曰此阿難比丘

鷄足山志

卷之一

考證

三

總持第一而常侍如來其所聞法如水傳器無有  
遺餘宜命以集修多羅藏次命優波離以集毘尼  
藏復命阿難集阿毘曇達摩藏已而尊者卽入願  
智三昧觀其所集果無謬者狀尊者處世方四十  
五年終以結集旣畢而說法度人亦無量矣自念  
衰老宜入定於鷄足山以待彌勒故命阿難曰昔  
如來將般涅槃預以正法眼付囑於我我將隱矣  
此復付汝汝善傳持無使斷絕乃說偈曰

法泐本來法

無法無非法

何於一泐中

有法有非法

阿難於是作禮奉命復念如來舍利皆在諸天欲往辭之遽凌虛遍至塔廟禮已而還復以夙約必別阿闍世王及至其門會王方寢因謂闍者曰摩訶迦葉將入定於鷄足山故來相別王起奏之遂以周孝王之世窅狀入其山席艸而坐自念今我被糞掃服持佛僧伽黎必經五十七俱胝六十百千歲至於彌勒出世終不致壞乃語山曰若阿闍王與阿難偕來汝當爲開已復合於是寂狀乃入滅

鷄足山志

卷之一

考證

四

盡定時也大地爲之動而阿闍世王亦夢其殿梁忽折及覺而司門者果以尊者之語奏王聞泣下爲之歎息卽詣竹林精舍拜阿難命之同往逮至鷄足山而其山闢尊者定體儼狀在其間王且哀且禮命取香薪欲爲焚之阿難謂王曰未可燔也此大迦葉方以禪定持身而俟彌勒卞生授佛僧伽黎乃般涅槃王聞此而敬之益勤及至與阿難引去而其山合如故

□溪一滴

鷄足摩訶迦葉尊者摩伽陀國人也因世尊在靈山會上有六梵天王以金色波羅花獻佛請佛說法世尊登座拈花示衆是時百億人天皆然狀唯迦葉尊者破顏微笑世尊曰吾有正法眼藏涅槃妙心實相無相微妙法門不立文字教外別傳付囑摩訶迦葉世尊至多子塔前命摩訶迦葉分座令坐以僧伽黎圍之遂告曰吾以正法眼藏密付於汝汝當護持傳付將來一日因阿難問曰師兄世尊傳金襴袈裟外別傳箇甚麼迦葉召阿難阿鷄足山志

難應諾迦葉曰倒却門前刹竿著既付法與阿難尊者復以夙約必別於阿闍世王入鷄足山席艸而坐自念今我被糞掃服持佛僧伽黎必經五十七俱胝六十百千年至彌勒出世終不致壞

彼時阿難

親刻尊者像一尊遺于華首門今迦葉殿所供小像是也出白古通

按傳燈錄及佛祖綱目諸經書所載摩訶迦葉事皆與此同故不重錄

### 大唐西域記

迦葉承佛旨任持正法結集既盡至第二十年將

入定滅乃往鷄足山山陰而上盤曲取路至西南岡上山峰險阻崕逕磬礪乃以錫杖叩剖之如割山徑既開逐路而盤紆曲折廻互針通至于山頂東北面出既入山峰之中奉佛袈裟而立以願力故三峰覆斂故今此山三峰隆起

### 名勝志

鷄足山大頂普光殿脚有石門千仞人跡罕至藏經云平陽僧泐顯入西竺求經踰葱嶺而南將至鷄足山路遇老人龐睂偉貌顯不悟其爲神人頃鷄足山志

卷之一

考證

六

有一沙彌至顯始問耆老爲誰荅曰大迦葉也顯始知卽是尊者顯靈乃追至迦葉門爲大石所橫不得入遂流涕而去

### 泐顯傳

從貝多樹南行三里到一山名鷄足大迦葉今在此山中劈山下入入處不容人下入極遠有旁孔迦葉全身在此中住孔外有迦葉洗手土彼方人若頭痛者以此土塗之卽差此山中故有諸羅漢住彼方諸國道人年年往供養心濃至者夜卽有

羅漢來共言論釋其疑已忽狀不見此山榛木茂盛又多獅子虎狼不可妄行

三代之時滇中原屬西域之地爲阿育王所封攷之佛典野史點蒼卽靈鷲則此鷄山爲迦葉尊者入定之處無疑矣緣鷄足山至漢以後始通中國而中原人覩佛書哆大多荒唐語遂以佛爲非復人世所有故親覩鷄山華首石門而反疑尊者未必在此蓋不知鷄山當周時原在天竺幅員之內具此山前後數百里之間諸佛鷄足山志

卷之一

考證

七

菩薩靈蹟顯著者甚多其爲佛地可知其辨論具山水下覽者宜細詳焉

星野

野史氏曰九州分野懸象于天豐歉災祥於是徵焉謹則獲吉怠則貽凶人事與天行相召烏可忽也志星野

分野在天屬井鬼入參七度

漢書

次鶉首未位

晉書

麗中台上位北斗開陽一星

宋書

太白金星益州又北斗第二星主益州

星經

參伐流爲益州

元命包

鷄足山志

卷之一

星野

八

明堂爲益州

太乙書

鷄足於大理十之一於滇則百之一也何問乎星野狀其間有人事焉一人之身修悖之感上通于天德星之聚關乎兩家久旱飛霜係于一人况五百里之大其人事之叅錯不知幾何休咎既異則有災祲有災祲則有徵應有徵應則愈宜謹修悖矣况天文家言星氣在朝象官在人象事在野象物鷄山在野獨無可象乎此固儒者所宜求詳也今考之前史併通志等書辨論紛紛詳究其說則鷄山

分野原屬井鬼祲祥之占循是考驗或可以無謬矣

按范少伯鬼谷子張子房諸葛孔明皆云參觜益州益州入參七度越嶲入觜三度繇此言之則益州于辰爲申於星爲觜參於次爲實沈于分爲晋及考漢地志曰東井輿鬼秦之分野其界自弘農故關以西至張掖酒泉又西南牂牁越嶲益州皆宜屬焉皇甫謐帝王世紀自井十六度至極八曰鶉首之次爲秦之分野蔡邕起井十度爲鶉首起畢

鶉足山志

卷之一

九

六度爲實沈李淳風以畢至井爲實沈之分野屬益州僧一行以東井輿鬼爲鶉首其野自漢三輔北地上郡盡西南彝越嶲益州郡繇此言之則益州於辰爲未于星爲井鬼于次爲鶉首于分爲秦夫一益州也或言其星爲觜參或言爲井鬼或言其次爲實沈或言爲鶉首此無他益之於秦地相近也參伐井鬼宿相近也實沈鶉首次相近也申與未辰相近也一行獨究之說曰懸象在天其本在地星之與土以精氣相屬而不係於方隅其占

測以河山爲界而不主於州國古今言分野者莫精于此矣蘇伯衡之說又曰分野指列宿所屬之星土古書已亡列辰紀天運日躔之度舍曆家取證曰度舍所止而妖祥見焉則所屬之地亦可徵矣觀此則分野不可以方隅測而星主精氣相屬之說古書無存惟靜極通達者識之彼以揣摩臆度言星氣者無怪乎往往乖互也雲南幅員最廣其在西而北者皆屬井鬼其在東而南者皆屬觜參鷄足一山實界滇之西北占驗之家其能舍鷄足山志

卷之一

十

井鬼而他適乎

形勢

野史氏曰地理之說形勢尚矣先王疆理九州間以山川寧止辨土宜等賦貢已哉控帶險阻變移風俗厥旨深哉鷄山雖僻一隅連跨三州舊介蠻彝土俗悍魯賴迦葉之力殷重此山佛法旣興人情化善感通遙邈山更以名則崇巍之興觀匪細也志形勢

滇爲梁州裔土蜀之苑囿

河圖緯

按蜀初名梁州漢武開拓滇地漸置犍爲越嶲

鷄足山志

卷之一

形勢

十一

牂牁諸郡附梁州以其地漸增益故改梁州爲益州元封二年乃置益州郡卽今大理是也

鷄足山地屆三州面左賓川右鄧川後北勝而總屬大理府大理卽古所謂南詔也彝人稱王爲詔稱朕爲况稱帝爲鵬信稱兄曰容稱弟曰鍾稱其下曰昶按滇初名六詔至唐憲宗元和十八年蒙氏以計滅五詔都於葉榆以其地在六詔之南故名南詔後改爲大理國考六詔之地東西三千里南北四千六百里鷄足一山蓋處六詔之中

鷄足山上古之世原名青巔山屬天竺國爲阿育王所封故地南詔野史載周天竺國阿育王有三子王畜一神馬三子爭之王令放馬得者與之三子追至昆池東山得馬卽今之金馬山長子繼至知馬已爲弟得遂屯西山時碧鳳在山土人呼爲碧鷄至蒙氏封二神爲景帝今鷄足山土主神卽景帝也可見金馬碧鷄之名皆本於阿育王則此山疆域舊爲西域無疑矣

山形雄據六詔控引西番前臨蒼洱後帶金沙連

鷄足山志

卷之一

形勢

十一

接三州風和土美南有畢鉢羅窟北有石寶山

此石

寶在鶴慶

俱菩薩顯化道場又郡志載蒼山中岩號雪

山世傳爲佛苦行之地草石皆有梅檀香氣叢林梵刹諸峯相望蓋舊在天竺幅員之內爲阿育王封域故國有三千蘭若今存者什一耳且茲山三峯廻抱萬水奔朝洞穴幽奇岩壁陡峻實甲西南且林阻谷奧而從無蛇虎之患其爲佛地無疑宋太祖按地圖以玉斧畫大渡河以西棄而不有故宋人作洞天福地記南中見遺未得爲通方之論

矣

鷄足山東一百二十里至賓川州界 西一百  
二十里至鄧川州界 南八十里至賓川州界  
北一百二十里至北勝州界

卷之一終

鷄足山志

卷之一

形勢

十三